



# МАНАЛЛА


Ўзбекистон "МАҲАЛЛА" хайрия жамғармасининг нашри

№ 1 (228)

2001 йил 3 январ, чоршанба

Газета 1996 йил январь ойидан чиқа бошлаган

Сотувда эркин нархда



Мухаммад АМИН олган сурат (ЎЗА).

Янги асрнинг биринчи йилини оналар ва болалар йили деб атаб, Янги йилни хонадонларимиз чароғи, ҳаёт давомчиси бўлган мунис оналар ва истиқболимиз эгалари - фарзандларимиз тимсолида кўришимиз буюк келажакни фақат соғлом ва баркамол авлодгина бунёд эта олади, деган ҳақиқат ҳаётимизда изчил ва мустақам қарор топётганининг тасдиғидир.

Ўзбекистон Республикаси Президенти И.КАРИМОВнинг Ўзбекистон халқига янги йил табригидан.

## ЯНГИ АСРНИНГ БИРИНЧИ ЙИЛИ – ОНАЛАР ВА БОЛАЛАР ЙИЛИ



### ОҚСОҚОЛГА ҲАМ ҚИРҚ ҲУНАР ОЗ ЭКАН

## МУСТАҚИЛЛИК МАЙДОНИДА ЭРТАК АЙТГАН ОҚСОҚОЛ!

Болажонлар байрам томошаларини кўрибгина қолмай балки, эртак қаҳрамонлари билан бирга ўйинга тушиб, ўзларини сеҳли оламга кириб қолгандай ҳис қилишмоқда. Ана шундай барчага манзур бўладиган байрам сценарийси ижодкори оддийгина бир маҳалла оқсоқоли эканлигини эшитиб тўғриси хурсанд бўлдик. Ушбу сценарий муаллифи пойтахтимизнинг Мирзо Улўбек тумани Оқибат маҳалла оқсоқоли Ўзбекистонда хизмат кўрсатган

*Мана бир неча кундирки, пойтахтимизнинг бош майдони бўлмиш Мустақиллик майдонида Янги йил байрами тантаналари давом этмоқда.*

маданият ходими, Омонулла Шариповдан икки оғиз ушбу дастур хусусида гапириб беришни сўрадик. (Давоми 2-бетда.)

### ЯНГИ АСР ҚУВОНЧЛАРИ

## МАҲАЛЛАГА ЯНГИ АСР БИЛАН ГАЗ КЕЛДИ

*Шўрчи туманидаги Й.Охунбоев номи жамоа ҳўжалиги ҳудудидаги Янгиарик, Тула, Қултапа маҳаллаларида истиқомат қилувчилар бир йўла учта байрамни нишонлаш бахтига мушарраф бўлишди.*

Рамазон ҳайити, янги аср, янги йил ва хонадонларга табиий газнинг келиши унутилмас тантаналарга айлана бекти. Маскур маҳаллаларнинг аҳолиси кўп йиллик ниётларига эришди.

Давлат маблагги ҳисобидан беш миллион сўмлик пайвандлаш ва қурилиш ишлари амалга оширилди. 2,5 километр масофага ўрта босимли газ қурувлари тортиди. - Уччала маҳаллада «зан-

гори олов»нинг ёниши катта байрам тусини олди, - дейди «Сурхондарёгаз» вилоят бошқармаси бошлиғи ўринбосари Нуриддин Абраев, - қариялар, уй бекалари газ келишини гапнинг очиги, кўзда ёш билан кувониб қарши олишди. Минг хонадонда табиий газ ёнишининг ва одамларнинг мамлакатимиз Президентига, мустақилликка қайта ва қайта миннатдорчилик билдирганлари шўҳиди бўлди. Маҳалла фуқаролар

йиғинлари раислари, оқсоқоллар газ келиши муносабати билан ўтказилган йиғилишида халқнинг асрий орзу-си ушлаганлигини эътироф этишди.

Айтганча, қутлуг байрамлар бўсағасида Қизилқум туманидаги Тақия қишлоғига ҳам табиий газ етиб келди. Бу ерда 2,5 миллион сўмлик пайвандлаш ҳамда қурилиш ишлари бажарилди. Юқори босимли асосий магистралдан 2 километрик қувур тортиладиган сўнг дастлаб 20 хонадондан «зангори олов» ёниб, кишиларга қувонч бағишлади. Қолган бошқа хонадонлар ҳам ҳадемай табиий газдан баҳраманд бўладилар.

Зикрилла ОХУН, маҳалла оқсоқоли.

## ҚАДАМ ҚЎЙДИК ЯНГИ АСРГА

Ҳаёт дарахтини тебратар Замон, Куртаклар очилар, тўкилар ҳазон, Азиз Ватандошлар бутун ёнма-ён, Янги асрга келдик соғ-омон.

Неларни кўрмади бу кўҳна дунё, Уруш қирғинлар, адоват, риё, Оллоҳдан эзгулик қилиб илтижо, Янги асрга келдик соғ-омон.


Ватанин топтади неча йиллар «ёт», Кўкларга ўрлади нола, оҳ-фарёд, Бутун насиб этиб осуда ҳаёт, Янги асрга келдик соғ-омон.

Губордан тозаиб Ватан осмони, Ушалиб халқимиз орзу-армони, Карвоннинг бошида буюк Сарбони, Янги асрга келдик соғ-омон.

Тарихга айланди неча асрлар, Емирилди қурилган кўрғон қасрлар, Учиб битди қанча безаклар, сирлар, Янги асрга келдик соғ-омон.

Замон эпкинида қоюмлар танҳо, Тафаккур маҳсули илм-бебаҳо, Асрдан-асрга таратиб зиё, Янги асрга келдик соғ-омон.

Асримиз пок бўлсин, қолмасин иллат, Дилларни забт этсин Илму-Маърифат, Йўқолсин жаҳолат, фитна, адоват, Янги асрга келдик соғ-омон.



### 2-саҳифасида:

- Аразлашган эр-хотинни ҳоким ярашгирса, оқсоқолнинг доғда қолгани шу-да!
- От кишнаганда, илон вишиллаганда нима бўлади?
- Тадбиркор одамнинг ҳар бир ҳаракатидан барака унади.

### 3-саҳифасида:

- Насафийнинг «Никоҳ» китобида нима дейилган?
- Худойберди Тўхтабоевнинг «Беш фаолли маҳалла»си.
- Интизом кўчасини эшитганмисиз, Илтифот кўчасидан ҳеч ўтганмисиз?

### 4-саҳифасида:

- Миннатли ошдан беминнат тош яхшилиги аини ҳақиқат!
- Йироқ юрмаганга юқадиган касаллик.
- Гап орасида ҳам анча гап бор!
- Шоирни уйғотган гўзал ҳислар ҳар бир қалбга кўчса қанийди!

## МАНАЛЛАнинг

Ўзбекистон "МАҲАЛЛА" хайрия жамғармасининг нашри

## ЁШИ

Кўнгилли тадбирларини кўнгилли тадбирларга улаш асли халқимизга хос ҳислат. Шундан бўлса керак, халқимиз азалдан тўй бошласа, бир неча кунлаб кети узилмаган, тўйлар тўйларга уланган, элга қирик кун қўша-қўша дошқозонларда ош берганлар ҳам ўша ўзбекнинг ажлодлари. Буни қарангки, Оллоҳнинг халқимизнинг ҳислатига хос меҳр-муруватини, юртимизда байрамлар, шоднаёллар ҳам бир-бирига улашиб кетмоқда. Яратганини инояти билан бир-бирини «Тўйдан бошинг чиқмасин» деб алқағувчи халқимизнинг бошида қўша-қўша байрамлар. Барча мусулмонлар қатори Оллоҳ буюрган фарз - рўзан рамазон ойида рўза тутиб, Йиди рамазон ҳайитидек муқаддас шоднаёлдан баҳри дили ййраган халқимиз - мусулмон биродарларининг қувончли онлари Янги йил тадбирлари билан боғланиб кетди. «Маҳалла» газетаси жамоаси юрдошларимизнинг бу каби қувончларини газета саҳифаларида ёритар экан, ўз қалбларидида қувончу хайратларини ҳам муштарийлар билан баҳам кўргиси келади, албатта. Йиди рамазон ҳайити, Янги йил тантаналарининг хуш кайфиятлари ҳали кўнгилда хира тортмасидан туриб «Маҳалла»нинг 5 ёшга тўлишидан қалбларимиз янада равшан тортиди.



Ҳа, «Маҳалла» 5 ёшга тўлди. 1996 йил мана шу кунларда унинг ilk сони юз кўрсатганди. Газетанинг босиб

ўтган йўли узок йўл эмас. Шу босе унинг катта тарих воқелигига даҳлдорлик даъвоси ҳам йўқ. Аммо уни дунёга келтириб, оқ йўл тилаган ва бутун ҳам унинг ташвишлари ўз ташвишлари деб қараб келадиган муассис - Республика «Маҳалла» жамғармаси ва газета таҳририяти жамоасининг бу кичик тарихдан кўнгли хуш. Айниқса, ушбу йилнинг ilk сонидан бошлаб газетамизнинг обуначилари сони аввалги йилларга нисбатан 2 баробарга кўпайганлигидан кўнгишлар равшан тортиди. Юртимиздаги янгилашчилар билан боғлиқ иқтисодий муаммоларга қарамай бундай натижани албатта ютуқлар сирасига кўшиш жоиз. Ана шу биздаги байрамона кўтаринки кайфиятнинг газетамизнинг ушбу сонини қўлга олган 7500 га яқин муштарийларимизга ҳам тилаймиз. Зотан, уларнинг ҳиммати, бизга билдирган ишончлари жамоамизнинг ҳар бир аъзоси учун жуда қадри. Уқувчиларимиз «Маҳалла»га обуна бўлар эканлар, биздан ўз кўнгишлари тусаган ганини, мамлакат, дунё янгиликларини илҳақ кутадилар. Биз эса уларнинг ишончини оқлашга қодирмиз, деб ўйлаймиз.

Чори ЛАТИПОВ, Бош муҳаррир.



Ўзбекистон Республикаси Давлат матбуот қўмитасида 00123-рақам билан рўйхатга олинган.

Таҳририят манзили: Тошкент, Буюк Турон кўчаси, 41-уй

Нашр кўрсаткичи: 148

Телефонлар: Хатлар бўлими: 136-53-75, масъул котиб: 136-53-75 ижодий бўлимлар — 136-52-82.

Ҳомий: «Матбуот тарқатувчи» хиссадорлик жамияти

Қабулхона — 136-53-93. Тел/Факс: — 133-44-25.

Мақола ва хабарлар мазмуни, факт ва рақамлар учун муаллифлар масъулдирлар.

E-mail: mahalla@gazeta.silk.org













